



сақталуын бақылауды жүзеге асыру;

3) Қазақстан Республикасы Көлік және коммуникация министрлігінен - көліктік қызмет көрсетулерді тұтынушылар құқықтарының сақталуын бақылауды және қадағалауды жүзеге асыру;

4) Қазақстан Республикасы Табиғи монополияларды реттеу агенттігінен — табиғи монополиялар мен реттелетін нарықтардың субъектілері көрсететін қызметтердің сапасы бойынша тұтынушылардың құқықтарын қорғау;

5) Қазақстан Республикасы Бәсекелестікті қорғау агенттігінен (Монополияға қарсы агенттік) - тұтынушылардың құқықтарын қорғау саласындағы функциялар мен өкілеттіктер берілсін.

2. Агенттікке кәсіпкерлік қызметті жүзеге асыруға байланысты емес жеке, отбасылық, үй шаруасы және өзге де қажеттіліктер үшін тауарлар мен қызметтердің сапасын және қауіпсіздікті бақылау жөніндегі функция берілсін.

3. Қазақстан Республикасының Үкіметі:

1) Қазақстан Республикасы Денсаулық сақтау министрлігінің мемлекеттік санитарлық-эпидемиологиялық қадағалау комитетін (бұдан әрі - Комитет) таратсын;

2) таратылатын Комитеттің және жоғарыда көрсетілген мемлекеттік органдардың штат санын жаңадан құрылған Агенттікке беруді қамтамасыз етсін;

3) Агенттік таратылатын Комитеттің құқықтары мен міндеттері бойынша құқықтық мирасқор болып белгіленсін;

4) осы Жарлықты іске асыру бойынша өзге де қажетті шараларды қабылдасын.

4. «Қазақстан Республикасы Үкіметінің құрылымы туралы» Қазақстан Республикасы Президентінің 1999 жылғы 22 қаңтардағы № 6 Жарлығына мынадай толықтыру енгізілсін:

1-тармақ мынадай мазмұндағы жолмен толықтырылсын:

«Қазақстан Республикасы Тұтынушылардың құқықтарын қорғау және халықтың санитариялық-эпидемиологиялық салауаттылығы саласындағы қадағалау агенттігі (Қазтұтынуқадағалау)».

5. Осы Жарлықтың орындалуын бақылау Қазақстан Республикасы Президентінің Әкімшілігіне жүктелсін.

6. Осы Жарлық қол қойылған күнінен бастап қолданысқа енгізіледі.

Қазақстан Республикасының

Президенті

Н.Назарбаев